

Rapport 1/25 vun der Sportskommissioun

Reunioun vum 26.02.2025 um 18:00 am Veräinsbau zu Téinten

Presenzen

Member	Present	Entschëllegt	Net entschëllegt
Arendt Benoît	X		
Bausch Pele		Net méi an der Kommissioun Ersat duerch den Conrad Frank	
(Brosius Thierry)		Net méi an der Kommissioun Ersat duerch d'Majerus Yara	
Conrad Frank	X		
Everad Thierry		X	
Kieffer Aloyse	X		
Lesch-Fanck Laure	X		
Lucas Patrick	X		
Mathias Heike	X		
Majerus Yara	X		
Meyer Louis	X		
Reding Sam		X	
Reuter Pierre	X		

Punkt 1: Dagesuerdnung

D'Kommissioun begréisst, dat mam Majerus Yara a mam Conrad Frank d'Kommissioun rëm komplett ass.

Op der Dagesuerdnung stoungen follgend Punkten:

- Schnuppercouren Summer 2025
- Nuit du Sport 14.06.2025
- Divers: Outdoor-Gym-Pad, Bidon/Trikot

Punkt 2: Rapport vun der leschter Reunioun

De Rapport vun der leschter Reunioun gëtt unanime vun de Memberen ugeholl.

Punkt 3: Sportleréierung an Nuit du Sport

Den Termin fir d’Nuit du Sport steet jo scho fest: 14 Juni 2025.

Dofir hat d’Gemeng den 03.02.2025 d’Veräiner an och d’Sportskommissioun op eng éischt Informatiounsversammlung an der Koll zu Bruch invitéiert. Den Benoît, de Louis an och d’Yara ware bei der Reunioun dobäi. Do ass ënner anerem gesot ginn, dat d’Sportleréierung net ewéi 2024 virun der Nuit du Sport mee direkt am Uschloss dozou also géint 20:30 stattfannen wäert an zwar net méi uewenop an der Buvette mee ënnen an, an engem Zelt respektive dobaussen a virun allem do wou nach vill Leit zesumme sinn. D’Sportskommissioun participéiert direkt bei der Iwwerrechung vun den Diplomer.

D’Kommissioun ass der Meenung, dat am Mäerz nach, dat heescht méiglechst séier een Opruff vun der Gemeng soll kommen fir Kandidaturen fir d’Sportleréierung. Déi Annonce soll iwwer follgend Weeër gemaach ginn:

- Flyer deen d’Kanner an der Schoul ausgedeelt kréien
- Flyer deen an d’Bréifboîte verdeelt gëtt
- Social Media d.h. Gemenge Site, App, Facebook...
- Bréif un d’Veräiner
- Gemenge Buet, jee nodeem wéini deen erauskënnt

De **Benoît** setzt relativ geschwënn eng Propose op, wéi esou eng Annonce ausgesi soll an am speziellen och wat fir eng Critère gëlle sollen.

Meldeschluss fir d’Kandidaturen eranzeginn wär Enn Abrëll. Da muss den Choix vun de Kandidaten gemaach ginn. Duerno kréien déi betraffe Sportler natierlech eng schrëftlech Invitatioun vun der Gemeng.

D’Kommissioun huet sech och nach Gedanke gemaach, wien als Special Guest deen Owend kennt oprieden. De Louis freet do schonn bei enger konkreter Persoun no (Disponibilitéit, Käschten, ...)

Punkt 4: Gadgeten Gemeng Helperknapp

D’Gemeng huet proposéiert e puer **Gadgeten** ze beschafen, déi extra bei sportlechen Evenementer, un d’Sportifs méritants oder och und Participanten vun de Schnuppercoursen verdeelt kenne ginn, wéi zum Beispill:

- Tricoten
- Bidonen
- Buffen
- Beach Racketten
- Faltbar Drénkfläschen (soft flask)
- Kaap
- Mikrofaser-Duch

Natierlech sollen all déi Gadgeten mam Logo vun der Gemeng Helperknapp versi ginn.

D'Sportskommissioun begréisst déi Initiative. D'Commission des Relations Publiques sollt hei awer och agebonn ginn. Eventuell sollten méi héichwäerteg Gadgeten proposéiert ginn, déi beschtefalls och nach an engem Atelier protégé hiergestallt ginn. De **Pierre** kontaktéiert e puer Ateliers protégés (Nei Aarbecht, APEMH, Tri Centenaire, Op der Schock, HMC, ..) fir ze kucke wat et do gëtt.

Punkt 5: Schnuppercounen 2025

D'Kommissioun huet schonn e puer Iddien gesammelt fir weider Schnuppercounen och dëst Joer ubidden ze kënnen. D'Kommissioun war sech net sécher op et gutt wär all Joer souwuel am Fréijoer wéi och am Hierscht esou Counen unzebidden. Villes hänkt och vun der Disponibilitéit vun der Hal of. De **Pierre** freet déi bei der Gemeng no. Follgend Pisten sollten awer verfollegt ginn.

- Volleyball vu Bissen an Luerenzweiler (**Everad Thierry**): Hei war elo nach d'Iddi opkomm, ob speziell de Bissener Veräin net gewëllt wär Beach-Volleyball am Kader vum Beachdrëf unzebidden => Summer 2025
- Handball Miersch: Cours fir Kanner. De **Louis** freet hei nach eng Kéier no wéi d'Präferenzen sinn => Abrëll/Hierscht 2025
- "Functional Training" mam Leandro. Hei freet de **Pierre** nach eng Kéier no => Hierscht 2025
- Special Olympics (Everad Thierry): fënnt dobausse statt, méi opwendeg Organisatioun => Summer 2026
- Billard: De **Fränk** freet beim Bricher Veräin no
- "Fit Kanner Helperknapp": D'**Yara** huet hei Kontakt mat engem Sport Educateur deen interesséiert wär Sport speziell fir Kanner unzebidden.

Jee nodeem wat bei den eenzelnen Veräiner nach erauskënnt, soll kuerzfristeg entscheet ginn, ob nach Schnuppercounen am Fréijoer oder awer eréischt am Hierscht organiséiert ginn.

Op alle Fall wäert de Pierre am Fréijoer erëm een **Laftreff "Vun 0 op 5 km"** an **"Vun 5 op 15 km"** ubidden. Reklamm géif hei erëm vun der Gemeng iwuer déi bekannte Kanäl gemaach ginn.

Punkt 6: Fitness Parcours an Outdoor Gym Openthalt/Fënsterdall

D'Gemeng huet de Projet vun engem Fitnessparcours zu Téinten aktuell op Äis geluecht, well eng Alternativ zum Terrain gesicht gëtt. De Schäfferot begréisst awer d'Iddi vun der Sportskommissioun, den Naturléierpad um Openthalt „upzedaten“ an mat engem Fitnessparcours ze kombinéieren. D' Sportskommssioun soll dës Iddi weider ausschaffen, eventuell de Wee och op d'Plaz of trëppelen goen fir dem Schäfferot eng Propose / Avis eranzeschécken.

An der Reunioun ass och iwuer den Outdoor Gym geschwat ginn, deen d'Gemeng Habscht am Bësch zwëschent der Kräizerbuch an der Gäichel opgeriicht huet a freet sech ob esou eppes net och z.B. op engem Site wéi dem Fënsterdall méiglech wär a Kombinatioun mat engem Fitnessparcours/Lafparcours an engem Naturléierpad.

D’Kommissioun wäert sech an den nächste Wochen souwuel den Naturléierpad um Openthalt souwéi den Site am Fënsterdall ukucken goen an eng Iddi ausschaffen.

Punkt 7: Impuls-Event den 25.01.25

De COSL an Zesummenaarbecht mam IANPS an der Oeuvre Nationale de Secours Grande-Duchesse Charlotte hat den 25.01.25 op hiren Impuls-Event zu Lépschent agelueden. Hei gouf ee Projet presentéiert, deen an e puer Pilot-Gemengen gestart ginn ass fir de Sport an d’Bewegung op kommunalen Niveau ze fërdere. De Pierre huet d’Sportskommissioun vertraueden an eng Rei vun Iddie matbruecht:

- Fitness Parcours an der Néi vun enger Maison Relais deen speziell fir Kanner geduecht ass
- Bewegungschallenge bei der Nuit du Sport
- Sportbox: dat ass eng Këscht déi z.B. bei enger Spillplaz eng Rei vun Sportartikelen (Fussball, Volleyball, Racketten, Sprangseel, ...) enthält a fräi verfügbar ass
- Bewegung dobaussen: Tour mat QR-Coden an Zesummenaarbecht mat engem CIPA
- Belichte/Beschëldert Lafweeër an der Gemeng
- Bewegungskart vun der Gemeng: Hei gëtt op eng visuell uspriechend Aart a Weis déi sportlech Offer an der Gemeng op enger interaktiver Kart duergestallt. D’Kommissioun mengt, dat dës Iddi op alle Fall verfollegt soll ginn.
- Sportdag fir all Alter, speziell och fir eeler Matbewunner ze motivéieren
- Randonnée saine op engem Sonnde moien mat Tier vun 7 bis 13km fir all Alter
- Sportskoordinator: Hei gëtt de Gemenge proposéiert mat finanzieller Hëllef vum Staat een Sportskoordinator anzustellen, deen speziell de Sport an d’Bewegung an de Gemenge promovéiere soll. Et besteet neierdénge ze guer d’Méiglechkeeten ee Coordinateur sportif fir e puer Gemengen anzustellen. D’Kommissioun encouragéiert d’Gemeng sech doriwwer Gedanken ze maachen well op esou eng Manéier de Sport an och d’Aarbecht vun der Kommissioun ausseruerdentlech géif profitéieren.

Nächst Reunion steet nach net fest. Den Benoît schéckt eis nach Proposen.

Pierre Reuter

Sekretär Sportskommissioun